

¡BOMBA!

Habrán de aplicar la ciencia para instalar porcigranjas, y al vigilar esas franjas... ¿lo harán con “inteligencia”?



K'intsil

Edición de fin de semana, del viernes 24 al domingo 26 de marzo de 2023

CAMPECHE · YUCATÁN · QUINTANA ROO · AÑO 8 · NÚMERO 1951 · www.lajornadamaya.mx

CHAYKAAN

BA'ALCHE' BAK'PACHTA'AN TUMEN
ÚUCHBEN TSIKBALO'OB

Je'el bix uláak' ya'abach kaano'ob ti' u lu'umil Yucatáne', chaykaane' ma' jumpáay yanik ti' tsikbalo'ob ku ya'alal tu yóok'lal. Ts'ookole' yaan tak u meedyosil kóomunikaasyon a'alike' jach táaj sa'ajbentsil ti' wiinik tumen ku chi'ibal, ba'ale' u jaajile' ma' tu beetik k'aas -je'el bix le uláak'o'obo'- tumen no'ojan ti'al kuxtal ku yantal te'e lu'uma'.

Chayilkaane', ts'a'aban u sientiifikoil k'aaba' beey *Spilotes pullatus*, ts'ookole' táaka'an ichil u múuch'il Colubridae, tu ya'alaj Luis Fernando Díaz Gamboa, máax jo'olbesik Red para la Conservación de Anfibios y Reptiles de Yucatán.

Ma' sajbe'entsil ti' wiiniki', tumen mina'an u ts'aakil. Ba'ale' u ts'a'aye' leti'e' ba'ax je'el u beetik k'aas ti' máake', tu ya'alaj.

“Ma' polok kaani'; ku béeytal u chichankúunsikubáaj wa u kóochkinsikubáaj ti'al u ye'esik maas nojoch. U yiche' nuuktak, ts'ookole' u bak'pachile' wóolita'an tumen k'an boonil yéetel u nak'e' k'aank'an, yéetel je'el u k'uchul u p'is tak óoxp'éel meetróos”, tu ya'alaj.

Ku yila'al ti' u péetlu'umil San Luis Potosí tak Perú, Bolivia yéetel Brasil. Beyxan tu petenil Yucatán, tu'ux táaka'an Kaanpech, Yucatán yéetel Quintana Roo.

JUAN MANUEL CONTRERAS
OOCHEL TOMÁS CARRANZA PERALES

ESPECIAL: FAUNA NUESTRA | P. 44 TAK 46